

**RECHTMÄSSIGE UND  
NOTWENDIGE  
RETORSION, GEGEN  
UND WIDER DIE  
SCHANDTLICHE, ...**

---

Melchior Volcius



Tele. 3120

Volcano

Rechtmässige vnd Notwendige  
Retorsion / gegen vnd wider die

Schändliche / Ehren-  
rürige Schmachschriff / welche Ja-  
cob Bretser / vnd Conrad Better / wider  
jetzige Prädicanten zu Augspurg / in Sachen Jo-  
hannem Cambilhon betreffend / neu-  
licher Zeit haben lassen  
ausgehen.

Gestellt /

Im Namen eines gantzen Evan-  
gelischen Prädigampts zu Augspurg /

Durch

M. Melchiorem Volcium, Pfarrern der Evangelischen  
Kirchen bey S. Anna / vnd Seniozem  
daselbst.

Syrach. 5.

Ein Dieb ist ein schändelich Ding : Aber ein Verleumb-  
der ist viel schändelicher / achts nicht gering / es sey  
klein oder groß.

¶ ¶


Getruckt zu Tübingen in der Kellischen  
Truckerey / Anno /

1 6 1 0.

BIBLIOTHECA

POPEA

ST. JOHANNIS



Rechtmässige vnd Notwendige Retorsion /  
gegen vnd wider die

# Schandliche Ehren- rürige Låsterschriffte Iacobi.

Gretseri, vnd Conrad Vettters / zwey-  
er Jesuiten zu Ingolstatt.



Shaben neulicher Zeit zwey  
Schamlose Jesulter / mit Namen  
Jacob Gretser / vnd Conrad  
Vetter / zwey alte Lojoliische  
Spießgesellen / ein greuliche Lå-  
sterschriffte vnd Schmachkarten /  
wider jetziges Evangelisches Pre-  
digampt in Augspurg (welches die  
Gottlose Spötter *per contemptum* fälschlich nennen /  
Prädicanten / die das fünfft Evangelium prädigen) vnd  
insonderheit wider mich / den *Volcium*, erstlich in La-  
tein / folgens Teutsch gebessert vnd gemehrt / damit es  
auch dem gemeinen Mann fürkomm / zu Ingolstatt bey  
Adam Sartorio / mit beygesetzter Röm: Kay: May: re-  
Freiheit (dero Hochheit man doch billich zu der gleichen  
schandlichen Schmachkarten / vnd offenbaren Lügen



nicht so freventlich mißbrauchen solt) trucken / vnd vnter  
 ihrer beyder Namen mit vorhergeschtem Titul / Hans  
 sen Cambilbons von der Jesuiten geheimbsten  
 Sachen kurze Relation / ic. offentlich lassen auß-  
 gehn / daniē sie vns einer bösen hochsträfflichen That/  
 vnd so gar Matestis Sachen beschuldigen / dz wir näm-  
 lich ein Famöslibell / vnnnd alle Pasquill vbertreffende  
 Schmachkarten (*de studiis iesuitarum abstrusioribus*,  
 von der Jesuiten geheimbsten Sachen / vnd ihren Bluta-  
 durstigen Anschlägen) ohne beysehung vnd vermeldung  
 des Namens / Geschlechts / Condition vnd Standes des  
 Authörs / Truckers / vnd Orts / da es getruckt worden /  
 zu jrer ganken Societet, höchster Injurien vnd Schmach/  
 lassen offentlich außgehen / vnd / so weit vns immer mög-  
 lich gewesen / spargiert / vnd außgebreitet. Damit wir  
 dann / vermög Weltlicher Kaiserlicher vnd Geistlicher  
 Rechten vnd Satzungen / deren sie *in specie* etlich wider  
 vns nach langs anziehen vnd einführen / verschuldt vnd  
 verwürckt haben / daß man vns geißlen / vnd mit Nhuten  
 streichen / vnd an Leib vnd Leben straffen solt: Item / wir  
 haben den Todt verschuldt / die Köpff verfallen / gehören  
 nicht mehr vnter andere Prädicanten / sonder vnter die  
 verbannten Infamanten / vnd sollen nicht mehr für vera-  
 nünftige / ehrliche Viderleut gehalten / vnnnd angesehen  
 werden: Dann man der gleichen Famöslibellen vnnnd  
 Schmachkarten kein Glauben / sonder den Galgen an  
 Hals zugeben / das ist / an Leib vnnnd Leben zu straffen  
 schuldig sey: Vnd was dergleichen grewliche Lasterung/  
 ehrenschändige Anzüg / vnnnd schwere Auflagen mehr  
 seind.

Ob nun wol wir vnsers Theils mit dergleichen  
 groben gehässigen feindseligen Schmachsachen vngern  
 zuthun/

zuthun / vnd / als Gott wisset / nit Lust zuzanden haben /  
 sie sich auch billich als Geistliche Personen / vnd so heylige  
*Patres* ( darsfür sie sonst wöllen gehalten sein ) dergleichen  
 groben / vnerbaren / ehrenverleslichen Sachen /  
 vnd in Ewigkeit vnersündlichen *Calumnien* vnd Lügen  
 solten geschämmt / vnnnd gemässigt haben / wir auch sonst  
 vmb des Namens Christi / vnd Friedes willen / Schmach zu  
 leiden willig vnd bereit seind : Jedoch weil frem vnruhigen  
 Lügen : vnd Wurdgeist nach / sie vns an Ehr vnnnd  
 Gefähr / ja Leib vnnnd Leben / zum höchsten angegriffen  
 vnd *injuriere*n, vnd sich damit / als die rechte Esauten /  
 vnterstanden / Christliche Regenten vnd Obrigkeiten zu  
 gewaltsamer Thätigkeit wider vns anzuhegen / solch ist in  
 ihrem Esautischen *Concilio* ergangnes / vnnnd wider vns  
 fälschlich außgesprochen Hochpriesterlich Vrtheil des  
 Todes / an vns zu *exequieren* vnd zu wolstrecken : Hingegen  
 aber eim jeden Christen zugelassen / sein Ehr vnd Gefähr  
 / Leib vnd Leben / wider dergleichen falsche Klagen /  
 vnd Ehrendiebische Verleumdungen gebürlichen zu  
 retten / vnd in acht zunehmen : Als haben notgetrungen  
 wir nit können noch sollen vnterlassen / zu Rettung  
 vnserer Ehren / auch Leibs vnnnd Lebens / solche  
 schwere Auflagen / vnd fälschlich angemachte hochsträfliche  
 Malicissachen von vns mit sattem beständigem  
 Grund abzuleinen / vnd aller Welt vnser offenbare Vnschuld /  
 des Gegentheils aber vermehnen Frevel / vnd  
 vnverschämte grobe Lügen an Tag zugeben.

Dann ob wol wir einige Schew nit gehabt / ja vnser  
 Theils nichts liebers hette sehen mögen / weil es ja  
 ein lauter Politische Sach / vnd Ehrenschänderen ist /  
 solche vor weltlichem / vnpartheyischem Gericht wider sie  
 außzufürhen / vnd sie dahin anhalten zulassen / eintweder

ihr hohe schwere Maleficklag / vnnnd Ehrenschändigen  
 Bezücht auff vns / wie sichs zu Rechte zuthun gebürt / zu  
 erweisen / vnd wahr zumachen / oder aller deren vns zuge  
 wandten Schmach / vñ angetraweten Blutstraffen *re  
 talionis* gewärtig zusein. Jedoch weil sie vns entessen /  
 vñ wir vieler Vngelegenheiten halber anderst nit können /  
 haben wir notwendig diese *Formam Retorsionis* müssen an  
 die Hand nehmen / vnd vns derselben gebrauchen.

Die vnd welcher  
 (bestalt der Jesuit  
 Cambilhon zu  
 dem Prädicanten  
 in Augspurg kom  
 men / vnd ihnen  
 ihre Schrifften  
 hinterlassen.

Bekennen vnd bezeugen demnach Erselich ohne  
 Schew / daß er *Ioann Cambilhon*, so sich für ein Jesuit  
 von Bräg / außgethon / vnd angeben / vor zweyen Jaren  
 von ihme selbst (dann wir ihme kein Botten geschickt) zu  
 vns kommen / vnd neben fürweisung eines von einer Po  
 litischen Person (welche wir hie zunennen auß Ursachen  
 bedenkens haben) an vns gestellten vnnnd verschloßnen  
*Commendation* Schreibens / auch Mündlicher außsär  
 licher Erklärung seines zu unserer wahren Religion vnd  
 Augspurgischen *Confession* tragenden ernstlichen Eyfers /  
 vnd demütiger Bitt / ihme in seinem Christlichen Gott  
 seligen Vorhaben verholffen vnd förderlich zusein / zwo  
 vnderchiedliche / mit eigener Hand / allhie gefertigte  
 Schrifften / frey vnd gutwillig / ohngezwungen vnd vns  
 getrungen vbergeben. In welchen er *Rationes* vnd Ur  
 sachen (beydes die Lehr vnd das Leben der Jesuiten bes  
 treffend) anzeigt / warumb er sich von der schädlichen  
 Gottlosen Pestilenzischen Rott der Jesuiten entzogen  
 vnd weg gethon / vnd sich zu denen der Augspurgischen  
*Confession* Verwandten Kirchen zubegeben verursacht  
 worden sey.

Welchen beyden vns vberreichten Schrifften er  
 auch seinen Namen vor vnd nach gesetzt (welches diesen  
 zweyen Jesuiten lauz ihrer eignen Schrifte wol bewußt  
 vnd



vnd vnverborgen) sich als den *Authorem* darzu frey offentlich bekennet vnd angegeben/ auch solche noch weiter wider die Jesuitisch Rott mit mehreren Vmbständen/ durch offentliche Schrifften außzuführen/ zuwerthen diegen vnnd zubehaupten erbeit vnd protestiert/ wie beyde Schrifften außweisen. Ob ein solche Schrift für ein in Keyserlichen Rechten verbottnen Pasquill vnd Jamosslibell zuhalten/ geben wir verständigen zubedencken/ vnd beweisen die *Satzung vnd Constitution Caroli V.* von jnen angezogen pag. 29. gerad das Widerspil.

So hat er sich auch so Mündtlich/ so Schrifffentlich mehrmahl frey rund erklärt/ vnd verneinen lassen/ daß diese beyde vns vberreichte Schrifften jetzt/ wegen Kürze der Zeit/ vnd anderer Vngelegenheit halben kurz vnnd schlecht gestellt seyen: Er wöls aber zu seiner Zeit also diduciern vnd außführen/ vñ den Jesuiten ire Sachen vnd erbare Thaten an Tag geben/ daß sie aller Willt bekant werden/ vnd sie wünschen sollen/ es stünden für ihn fünff Hasenmüller wider von Todten auff/ wie seine *formalia* gelaut haben.

Von welchen beyden Schrifften er zu seinem abreisen gleichwol selbst auch *Copias* mit sich weg genommen/ vnd anderswo auch fürgewissen/ das *Original* aber vnd sein eigne Handschrifft hat er vns hie hinterlassen/ welches wir noch heutigs Tags bey vnseren Händen haben. Wir haben aber solche trucken zulassen Bedenckens gehabt/ vmb keiner andern Ursach willen/ dann vmb mehr Fried vnd Einigkeit zuerhalten/ vnnd damit der Gegenseit nicht gedächte/ wir wolten vns damit/ zu mehrerm ihrem Spott vnd Hohn kügeln/ vnd wider sie troken vnnd jubillieren/ weil sorderst er sich selbst auch erbotten/ die Sachen selbs außzuführen vnd zuverantworten.

antworten. Vnd sollen diese zwen Esoliten wissen/waß  
 wirs ja hetten wollen trucken lassen / daß wir vns vnsers  
 Namens gar nicht wolten geschämbt haben/sondern als  
 ein öffentliche Streitschrifft / mit beisehung des *Autho-  
 ris*, Truckers / vnnd vnsers Namens/ jedoch in allweg  
*periculo Authoris*, der es gestellt vnd gemacht hat / wolten  
 haben lassen aufgehen/ welches vns auch jetzt angeregter  
 Massen/vñ auff solche Weiß verhoffentlich were zugelas-  
 sen vnd vnverbotten gewesen/ so wol als des Hasenmül-  
 lers *Historia Iesuitici Ordinis*, vnd andere dergleichen öf-  
 fentliche Streitschriften wider die Jesuiten von andern  
 seind getruckt / vnnd publiciert worden. Welche auch  
 der Gestalt bey benambsung des *Authoris*, Truckers/vnd  
 deren/ so sie haben trucken lassen / bißher von keinem ver-  
 ständigen seind für verbottene Famöslibell vnd Pasquill  
 gehalten worden / auch ihrer eignen *Description* vnd Be-  
 schreibung nach (da sie sagen/ der *Author* habß ohne sein  
 Namen lassen außkommen / vnd bekennen doch selbs er  
 Cambilhon hab sein Namen vor vnd nach gesetzt / vnd  
 sich darzu bekennet/ *pag. 10. & 11.*) nicht können dafür ge-  
 halten werden / sonst müßten viel ihres Theils gar ohne  
 Theils vnter erdichtem frembdem/ vnbelänten Namen  
 bißher außgesprengte hefftige Schmachkarten / vnd ins-  
 sonderheit des Bitters/ vnter vngleichem Namen ge-  
 truckte/schandliche/güßftige/Lastercarteckten viel mehr  
 Famöslibell sein / vnd sie ihrem eignen Urtheil nach/  
 alle die darauff gesetzte Straffen schon längst verdient/  
 vnd ihre Mönchs Köpff verfallen haben. Wir haben  
 aber auß obgedachten Ursachen damit inngehalten/  
 vnd sie nicht lassen in Truck außkommen.

Daß aber hernach der ander Theil gemelter Cam-  
 bilhonischen Schrifft (von den geheimbsten Sachen der  
 Jesuits

Jesuiten) ist in öffentlichen Truck kommen / vnnnd ohne Namen des *Authoris*, Truckers / Orts / vnd deren / so sie haben trucken lassen / ist spargiert vnnnd außgebreitet worden / ist solches / als wir dann hiemit öffentlich vor Gott vnd aller Welt / auff vnser Gewissen bezeugt / vnd protestiert haben wollen / nicht von vns / sonder ohn alles vnser Wissen vnd Zuthun geschehen / vnd haben wir sogar nichts darumb gewußt (als vns dann auch noch auff heutigen Tag verborgen) daß vns gang seltsam vnd mit höchster befremdung fürk omien / wer sich dessen ohne vnser vorwissen / (die das *Original* bey ihren Händen hatten) vnterstanden hab / dann wir vnser Theils selbs vngern gesehen / daß es der gestalt ist getruckt vnnnd publiciert worden..

Daß nun Grefser / sampt seinem / gleichwol vbel Conditionierten Dolmetschen / Conrad Vetterm / (der sein Gottlos Lästermaul auß dem Angel gerissen / vnd selbs wol eines Dolmetschen bedürfft) vns jetzt solches zumessen / vnd öffentlich beschulden vnd angeben / wir haben ein Famösl libell ohne Namen vnd *Condition* des *Authoris*, Truckers / Orts / da es getruckt worden / spargiert vnd außgebreitet / vnd damit / als einer in Rächten hochverbotnen That / alle die darauff gesetzte schwere Straffen / auff vns geladen vnd verschuldt / Ehr vnd Gßhür / ja Leib vnd Leben verloren vnd verfallen : Keden / schreiben vnd handlen sie hieran nicht wie erbaren / warhafften Männern / viel weniger *Theologis* vnd Geisßlichen Personen gebürt vnd zimbt / sondern als zwen vnverschämte vermehne / verlogne Münch / Bludurstige vnd öffentliche Lugner vnd Ehrendieb / denen wir hiemit / *non quidem animo injuriandi aut ledendi, (de quo solenniter protestamur) sed depellendi tam atrocem injuriam & infamiam;*



alle solche Lugen vnnnd Ehrendiebische Bezücht vnnnd Schmach widerumb in ihren Verleumbdischen Jesuitischen Busen / vnnnd verlognen Hals wollen gestossen / vnd *retorquiert* haben / vnd sie selbst solche Leut sein / vnd bleiben lassen / die nicht mehr für ehrliche redliche Leut sollen angesehen / noch vnter die Priester der *Societet* gerechnet / sonder für verbannte Infamanten gehalten werden / welche *hoc ipso facto* eben solche Straffen / nämbllich den Todt / *ipso jure talionis* verschuldt / Leib vnd Leben / vnd ihre zwen nichts werthe Mönchs Köpff / laut *res et ius ex lege & constitutione Carolina pag. 29.* ausgesprochenen Urtheils vnd Erkenntnus / verfallen haben / aller Massen vnd Gestalt / wie sie vns bezüchtiget / vnd angezogen haben / so lang vnnnd viel / biß sie ihren Ehrendiebischen Bezücht vnd Malefizklag / auff vns erweisen vnd wahr machen / wie sich zu Recht gebürt.

Gehen demnach alle die von ihnen / auß Erkenntnus / Keyserlichen / Weltlichen vnd Geistlichen Rechten / angezogene *Leges* vnd *Sakungen* vns nicht an / sondern werden Fälschlich verschlagener / Ehrendiebischer Weiß auff vns gezogen. Vnd sihet der Christliche Leser hie selbst wol / wie der böß vnrehlig / Blutdurstig Lugen vnd Mord Geist / seine Blutgärrige reißende Klauen vnd Ohren / an diesen zweyen Lospolitischen Rottgesellen heraus recket / in dem sie nur gleich / mit Weltlichem Gwalt / Ruten / Schwerdt / Strang / Galgen trawen vnd dreinschlagen / die Leuth wollen todt haben / vnnnd durch solche verlogne gliffrige Verleumbdungen vnschuldiger Weiß auff den Fleischbanck fürs Nichtthauß zu liffern / vnd zu überantworten sich durstiglich vnterstellen.

Daher sich alle Christen / insonderheit aber Christliche verstendige Regenten / vnd Obrigkeiten / vor diesen vnrehligen

vnthülichen Leuten/vñ frechen Lojolitschen Landtsknechten wol fürzusehen haben / damit sie nicht durch ihre allzuhitzige hefftige Schrifften / vnd Blutdurfftige Mordpracticken / vnd gefährliche *Consilia* (vnterm Schein angemasteter grosser Heyligkeit vnd Heyleyen) wider ehrliche vnschuldige Leut / zu vnrechtmässigem Gewalt vnd Thätigkeit/mit Gefahr ihres Gewissens vnd *reputation* angehezt vnd verleitet werden.

Was sonst weiter ine Cambilhon/vnd die Sachen selbs betrifft/ ob er ein Jesuit gewesen / Item ob dem also sey/ wie er von Jesuiten geschrieben/ das *disputieren* wir mit niemand/ habens vns auch zubehaupten niemal angenommen/ noch vnterstanden/ thuns auch noch nicht: Ein jeder mag davon halten vnd glauben was er will. Cambilhon bekännt sich darzu/ als *Author*, vñnd erbeut sich solches wider die Jesuiten außzuführen: Den mögen sie gleichwol suchen / vñnd darumb fürstemmen / als die ohne das fast alle Land durchstreichen/vnd alles verkuntschafften/vnd außspehen können.

Ist Cambilhon/wie sie fürgeben / ein *Agyrt* vñnd Land Betrüger gewesen / ist mit vnrechten Sachen vmbgangen / sein Namen verendert / die Leut betrogen: So ist er seinem fürgeben nach ein Jesuit gewesen/der solches bey ihnen/nicht bey vns/gelernet: Vñnd hat eben das gethon/ das andere Jesuiten auch treiben/ die ihre Namen verleugnen/ die Kleider verenderen/ vñnd vnter erdichten falschen Namen vñnd frembdem verstelltem Habit vñnd Kleidung/ insonderheit aber mit ihrer Jesuitschen *equivocation* vñnd Lugenkunst die Leut schändelich betrügen vñnd anführen.

Wir thun bey dieser Sachen anders nichts / dann daß wir mit Grund der Wahrheit / vñnd gutem Gewissen

B ij

vor

Jesuita Edmundus Campianus in Epist. ad generalem Societatis, Anno, 1583. Trevitisi impressa: pag. 23. & 24. 86. 138.

Item in Epist. de persecutione: Anglica. 126.

212. 130.

Jesuita Cresnel in responsione ad edictum Elisabethæ Regin. Angl. ad prefat. nu. 2. pag. 6.

Jesuita Henricus Garnet sex nomina sibi assignavit: ut & socii ipsius, esuida Gerard. & Desmond: Vide actionem Anglicam in Henricum Garnetum Societ. Jesuit. in Anglia superiorum. pag. 1.

59. 87. Historia Jesuitici ordinis Hasenmülleri cap. 4. pag. 78.



vor Gott vnd der Welt bezeugen/ daß er Cambilhon vns diese Schrifftten vbergeben / vnd hinterlassen hat. Will mans haben/ vnd es erfordert die Zeit vnd Not/ so seind wir erbiettig vnd bereit / die ganze Historiam / vnd was sich noch weiter mit im verlossen/ vnd er vns für Schrifftten noch weiter hinterlassen / zubeschreiben vnd trükken zulassen. Daraus sich genugsam vnd Augenscheinlich finden soll/ daß wir mit ihm nit vnbedächtig / noch vnfürsichtig gehandelt/ sonder was wir ime gethan/ solches alles auff sein höchstes bitten vnd flehen / vnnnd erzeigten grossen ernstlichen Eyser vnd Durst nach der Warheit des Heyligen Evangelij / in obligendem seinem *Exilio* vnd Ellend / als Christen zuthun schuldig gewesen seind.

Betreffende anders dieser zweyen Esauten/ Ismaritisch Spitzbüßisch Gespött / vnd Syncophanterey / daß sie mit vns in irer Schrifft treiben vñ außstossen / nemmen wir vns dessen nichts an / vnnnd haltens keiner Antwort werth / als welche bestellten Phantasten vnd Schalksnarren daß taugen vnnnd ansehen / dann *Theologis* vnnnd Geistlichen Personen. Mögen andere ihres gleichen leichtfertige Spottvögel vnd Syncophanten suchen/ vnd sich gleich wol mit ihnen vmb die Narrenkappen reißen vnd rauffen. Von vns sollen sie einiger Antwort darauff nit gewärtig sein / ohn daß man hierauf ihren nit ernstlichen / Christlichen / Theologischen: Sonder frechen / leichtfertigen Geist vnd Gemüt zuspüren vnnnd zuerkennen hat.

## A P P E N D I X

## V O L C I I:

Auff den Appendicem  
G R E T S E R I.

**Z** Vond seiner Schmach vnd Lugenschrift/  
henge Gretser / sambt seinem Dolmetscher / ein  
sondern *Appendicem* vnnnd Schmacharten wider  
mich den *Volcium* insonderheit an / darinn er erstlich mein/  
vnd meiner Herin *Collegarum vocationem* vnd Beruff/  
ganz schempfflich / spöttisch / vnnnd spitzbüßisch anzeücht  
vnd aufmacht / wir werden nicht anderst von der Obrige-  
keit beruffen / dann die Scherganten / Hencker / vnnnd  
Hundtschlager / die eben auch gleichen Beruff haben/  
wie wir. Welches Gespött er weit umbtreibt / vnd drey  
ganze Blat damit zubringt / vnnnd sich / als ein rechter  
Sauvit wol damit erlustiget / vnnnd im Ket umbwalzt.  
Weil es aber obgedachts seines leichtfertigen Geists/  
vnd Sycophantischen Gemüts Früchten eine ist / laß  
ichs / als der Antwort nicht werth fahren / vnnnd ehrliche  
verständige Leut darüber richten vnd *judicieren*, was das  
von zuhalten sey.

*Pomerio* dem erbaren Gesellen / auß dessen  
Schmacharten Gretser solches genommen / vnd ange-  
zogen / hab ich vor disem in der Rettung meiner Predig  
vom Beruff trewer Kirchendiener / genug darauff geant-  
wortet / darbey laß ichs nochmahln bleiben.

Darnach zeucht Grefser sampt seinem Dolmetscher mir auß der Rettung meiner gethonen Predig vom Veruff trewer Kirchendiener / das gar hoch an / daß ich auß gegebenner Anleitung *Pomerij*, so vns den Schergen / Hundtschlagern / vnd Henckern der *vocation* halben verglichen / geschrieben : Von Prædicanten wiß ich  
 „ kein Scherganten oder Henckerstück : Hingegen aber  
 „ wiß man / daß in etlichen Jesuinschen Collegiis gemeinlich  
 „ vnter der Erden / sondere *Carnificina* vnd Schergen  
 „ Werckstatt zu finden / darinn sie mit allerhand Henckerischen  
 „ Instrumenten / von Reckleitern / Schwerdten /  
 „ Stöcken / Henckerischen Kleidern / vnd was mehr zu  
 „ solcher Stöckmeisters Arbeit gehört / verstehen / damit  
 „ sie ihre Leut strecken / stöcken vnd blöcken / daß sie keines  
 „ anderen Schergens bedürffen / als dann im Fall der  
 „ Not / mit mehrren Umständen der Personen / so es geschehen /  
 „ zuerweisen : Das deutet Grefser / auff ein /  
 „ weiß nicht / was grosse That vnd Malefisch Sachen /  
 „ wie seine Wort lanten / deren ich sie beschuldiget habe /  
 „ vnd *provociert* vnd mahnet mich auffs höchst / solche bey  
 „ einem hochlöblichen Rath der Statt Augspurg / oder  
 „ bey dem Hochwürdigem Fürsten vnd Herrn / Bischoffen  
 „ daselbsten / nach ordentlichem *Proceß*, Weiß / vnd Form  
 „ des Rechts anzubringen / vnd zuprobieren : wo ich aber  
 „ solches nicht thû / so sage er / daß ich nicht ein einigen redlichen  
 „ vnd ehrlichen Blutstropffen im Leib habe.

Nun ligt mir gleichwol wenig daran / was du Grefser / Vetter / vnd ewers gleichen Spötter von mir haltet / redet oder sagt. Du hast droben auch gesagt / ich hab ein *Famöslibell* ohne Namen des *Authoris* vnd Truckers vnter die Leut spargiert / soll deswegen für kein Widermann gehalten / vnd an Leib vnd Leben gestrafft.

strafft werden: Hast dannoch daran gelogen / vnd damit deinem eignen Urtheil nach pag. 119. dein Treu vnd Glauben auch in andern verlohren / vnd bist nun so gut nicht mehr / daß du ehelichen Widerleuthen an ihren Ehren etwas könnest abthun / so lang du solche grobe freventliche Lügen vnnnd Schmach auff dir ligen laßt: Was solt mir dann Schaden bringen / was du gleich von mir sagst: Ehrliche redliche Leut / die besser seind dann du / vnd meines Thuns vnd Wandels gut Wissen haben / die kennen mich / Gott lob / viel anders / vnd in allen Ehren / vnd wann schon du / vnnnd deines gleichen Spötter ganz Wägen voll Lügen vnnnd Lasterung zuführten.

Es kombt mir aber ganz lächerlich / vnnnd zumal verdächtig für / daß Greiser meine Wort versteht vnnnd deutet auff ein grosse That / vnnnd Malefiz Sachen / die sie in ihren *Carnificinis* vnnnd Stockmeisterischen Werkstätten solten begehen vnd treiben / vnd ihre Leut darinn vielleicht gar erwürgen vnd tödten. Dann ich red vnd beschreib daselbst ihre strenge / harte *Disciplin*, vnd Tyrannische Schulzucht / die sie gegen ihren vntergebenen *Discipulis* vnnnd *Novitiis* gebrauchen / wann sie es vmb begangner *Exceß* willen / oder da sie sonst verdächtig worden / als möchten sie nicht Farb halten vnd aufreißen / Theils auch zuversuchen vnd zu *tentieren*, was hinder ihnen steck (dann ein Jesuiter muß ein lecker Mann sein / der hinangeht / wo man ihn hinschickt / auch in *presentissimum vite periculum*) in dergleichen Kerker / Gefengnus / Gewelb / Klufften / Zimmer oder Gemach / wie sie Namen haben mögen / vnter oder ob der Erden / einsperren / sie mit seltsamen schröcklichen Kleidern vnd größlichen Larven / auch als  
 lerhande



lerhande Stockmeisterischen Instrumenten / vnnnd  
 Sachen schrocken vnnnd ängsten / stocken vnd blocken/  
 daß sie nachmals keines anderen Stockmeisters be-  
 dürffen: Das kanst du Grefser nicht leugnen / sonder  
 mußt es selbs zugeben / daß / obwol nicht in allen / je-  
 doch in ettelichen *Collegiis* dergleichen Gewelb vnd Sa-  
 chen zu finden seyen / wirßs auch nicht von allen leüga-  
 nen / wann du anderst ein ehrlicher auffrichtiger Je-  
 suit bist / vnd nicht alle Scham vnd Erbarkeit abgelegt  
 hast. Ich aber rede nicht von allen / sondern ettelichen  
*Collegiis*, vnnnd verstehe es nicht von grossen Thaten  
 vnd Wealeßsachen / die darinn sollen begangen wer-  
 den / sonder von einer harten strengen Tyrannischen *Di-*  
*sciplin*, vnd scharpffen Zucht / damit ihr ewre Leut in der  
 Forcht / vnter Jesuitischem Joch / vnnnd blinden Ge-  
 horsam haltet / vnd zwinget..

Dem Grefser aber vnnnd seinem Better Dolmeta-  
 schen / ist eben / wie einem bösen vnzüchtigen Weib / die  
 ein böß Gewissen hat / vnnnd ihr selbs der Vnzucht be-  
 wußt ist: Wills aber doch nicht sein / noch dafür gehal-  
 ten werden / wann man ihr nur von weitem ein wenig  
 andeutet / vnnnd sagt von einem verdächtigen Ort oder  
 Person / bey deren sie gefunden vnnnd gesehen worden /  
 versteht sie es gleich von einer (ihr selbst bewußten) vnzüchtigen That / die sie daselbst getrieben / vnnnd meinet  
 von stund an / man rede darauff / man hab sie der Vnzucht beschuldiget / vnnnd müß ihr ein widerruff thun.  
 Also / da ich rede von der strengen harten Tyrannischen  
*Disciplin*, der Jesuiten / damit sie ihre junge Leut / vnter  
 ihrem Jesuitischen Tyrannischen Joch vnd Zwang  
 halten / vnd sie mit den Worten / *carnificinis*, Stock-  
 meisterische Werckstatt vnnnd Instrumenten / beschreib  
 vnd



vnd nenne/versteihß Bretser gleich von einer / ihm selbst  
 villeicht bewußten / grossen That / vnnnd Maleficiß Sa-  
 chen / die sie solten begangen haben / mich damit zu-  
 fangen vnd zufassen / zeücht mirs gar hoch an / will kurtz-  
 umb der Mann nicht sein : Ich soll auff treten / ein so  
 grosse That vnnnd Maleficiß Sachen / vor der Obrigkeit  
 nach ordentlichem *Proceß*. Weiß vnd Form deß Rechs-  
 tens auff sie erweisen vnd probieren / oder kein ehrlicher  
 Mann sein : Da ich doch sie dergleichen schweren  
 That vnd Maleficiß Sachen (Mord oder Todtschlag)  
 nie beschuldiget / vnd meine Wort es auch nicht mit sich  
 bringen / noch dahin verstanden vnd gemeint seind.

Befindest dich aber du Bretser mit deinem Dol-  
 meischer so hoch in diesen Worten beschwerdt / vnnnd  
*injurirt*, so gehe selbs hin / vnd klags einem Ehrsamem  
 Raht / oder dem Herrn Bischoff zu Augspurg / vnd leg  
 diese meine Antwort vnnnd Erklärung darzu / als dann  
 komme / vnd sag mir wider / was du für Ehr eingelegt/  
 daß ich auch komme vnd dir Glück wünsche. Ich mei-  
 nes Theils habß Bedenckens vnd Christliche verständi-  
 ge Obrigkeiten in höherem *Respect* vnd Ansehen / dann  
 daß ich sie mit dergleichen Schulsachen / wie / vnd womit  
 ihrewere Leut vnnnd Schuler / in etwen *Collegiis* in der  
 Forcht vnd Zucht haltet / so Kindischer vnnötiger Weiß-  
 fritten vnd behelligen sollt.

Daß du aber meinst ich löndt das jenig / so ich von  
 euch geschriben / nie erweisen / dann allein mit dem Cam-  
 bilhon / den du verworffen hast / sollestu wissen / daß es  
 mir / Gott lob / an Zeügen nicht manglet / dann ichs  
 schon längst zuvor / ehe ich den Cambilhon nie gesehen /  
 von andern ehrlichen warhafften verständigen vnd an-  
 sehenlichen Leuten gehört vnd gewußt / die auch etwas

vmb ewre Sachen wissen / denen auch mehr zuglauben  
ist / dann euch zweyen Jesuiten. Thät gmach ihr Jesu-  
iten / ewre Sachen / vnnnd was ihr treibet / vnd übet in  
ewren Collegiis, seind vns so frembd vnd unbekannt nicht /  
es ist nun mehr von euch erschollen / vnd die ganz Wete  
voll worden. Cambilhon ist nit der erst / der solche Ding  
von euch sagt / vnd auff die Bahn bringt / Teütschlandt /  
Franckreich, Engelland / Polln / Denmarck / die löbliche  
Herrschafft zu Venedig / vnd andere Land vnd Königs-  
reich wissen auch ettwas von ewren geheimsten Sachen /  
vnd Blutdurstigen Anschlägen zusagen / vnd habens lei-  
der mit irem grossen Schaden erfahren / empfindens vnd  
erfahrens noch täglich mehr / dann ihnen gut ist.

Entschinnus  
der grandtlicher  
Bericht von der  
Lehr vnnnd Leben  
der Jesuiten.

Jesuites Sye-  
gels das ist kurzer  
Anzeig warzu der  
Jesuites Orden  
gestiftet / vnd was  
sie im Schilt für.

Item wahre  
Abcontrafeyung  
der schädlichen  
Sect der Jesui-  
ter / getruet  
Anno / 1596.

A Rio habita à  
D. Ant. Arnal-  
do in Parlamen-  
to Paris, advo-  
cato contra Je-  
suitas. Paris im-  
press. Anno.  
1595.

Antiphilip-  
pica wider Iaco-  
bi Sylvani Phi-  
lippicam.

So seind der öffentlichen Schriffen vnd Bücher  
genug vorhanden / die eben auch fast das / oder doch ein  
gute Theil wider euch bezeugen / was Cambilhon geschri-  
ben / welche Bücher getruet worden / ehe Cambilhon zu  
vns kommen ist. Eins muß ich dir anzeigen auß der Hi-  
storien *Iesuitici Ordinis*, da also stehet: *Multi sunt, qui,*  
*nescio quasspe dulti, Iesuitarum Societatem ingrediuntur:*  
*qui deinde ob illorum dolos, fraudes, insidias, carnificinas,*  
*tyrannides, sanguinaria consilia, proditorum in Germani-*  
*am &c. libenter quidem discederent: at non possunt. Si enim*  
*fugam meditari deprehenduntur: vel capiuntur, vel rota,*  
*vel igni, vel aqua, vel fune, vel veneno tolluntur:* Das  
ist / vil kernen in der Jesuiter Societet vnd Gesellschaft /  
auff / weiß nicht / was Hoffnung: die gleich wol hernach  
vmb ihrs Lüsts / Betrugs / heimliche practick vnd nach-  
stellung / Henckerischen Martir / Tyrannen / Blutdura-  
stige Anschlag / Verrätheren wider Teütschland ic. geren  
wider aufgerissen vnd drauß weren / kennens aber nicht.  
Wann sie ergriffen werden / daß sie wollen weglauffen /  
werden

werden sie gefangen / vnd einweder mit dem Rad / oder  
Fewr / oder Wasser / oder Strang / oder Schwerdt / oder  
Biffte hingericht. Ebenmässig Zeugnus löndt ich dir auß  
der Abcontrafeyung der Jesuitischen Sect auch anzie-  
hen / darauß zusehen / das Cambilhon nicht der erst / der  
solches von euch geschrieben.

Grosser Thaten vnd Malefiz Sachen / davon dir  
selbst traumet / hab ich euch nicht bezüchtiget / sonder von  
eurer SchulTyrannen / vnd *Carnificina* geredt. Wiltu  
aber von ewren grossen Thaten vnnnd Malefiz Sachen  
hören vnd Zeugnus haben / so frag obgesezte Land vnnnd  
Königreich / so wirst du Zeugnus genug finden. Inson-  
derheit / möchtest du Frankreich fragen / was ewre grosse  
Thaten vnd Malefiz Sachen gewesen weren / daß ihr  
alle mit einander eins mals seide des Königreichs verwi-  
sen vnd aufgejagt worden / daß sich nach gesehtem *termin*  
keiner mehr / bey straff Leibs vnd Lebens hat dörfen da-  
einn finden lassen. Vnd ob euch wol der Paß wider ge-  
öffnet / glauben wir doch nicht / daß euch zuvor vnrecht  
geschehen sey: Ihr bringt vns dann ein Briefflein vom  
König vnd dem Parlament / daß sie euch vor vnrecht ge-  
thon. Item frag die löbliche Herrschafft zu Venedig /  
was die grosse Thaten vnnnd Malefiz Sachen gewesen  
seyen / darumb deine Notigefellen alle mit einander auff  
ein Tag seind fein sauber vnd glatt auß der ganzen Herr-  
schafft gestäubert / auffß Wasser gesetzt / vnnnd ihnen der  
Gleitsbrieff in Busen gegeben worden? *Proculite, nun-  
quam redite*. Nun weit fort mit euch / vnd nimmer wider-  
kommen.

Warumb citierest nit hie die Venediger für elnert  
Ehrsamen Rhat / oder Herrn Bischoff zu Augspurg / dz sie  
so grosse Thaten vñ Malefiz Sachen auff euch erweisen.



Hast du dann Bretzer vnnnd Vetter / nicht gelesen  
*Actionem Anglicanam* wider *Henricum Garnetum Socie-*  
*tatis Iesuitica in Anglica superiore*, vmb w; grosser Tha-  
 ten vnd Malefiz Sachen er an Galgen ist gehenckt wor-  
 den? Was darffs dann weiter Zeugnus? Warumb  
 soll ich grosse Thaten vnd Malefiz auff euch erweisen/  
 deren ich euch doch nicht beschuldiget?

Gesetzt aber/ich hette euch schon dergleichen Stock-  
 meisterische/ Henckerische Sünd vnd Sachen zugemes-  
 sen/ meinflu ich hett so weit gefehlet/ vnd euch so gar vn-  
 recht gethon? Was seind ewre fürnembste vnd meheste  
*Argumenta* vnd Rünsten / welche ihr gebraucht vnd für-  
 ret / wider fromme Evangelische Christen / so euch in ewre  
 Händ vnd Gwalt kommen / vnd sich mit ewren glatten  
 schmeichel Worten nit wollen zum Abfall bewegen vnd  
 treiben lassen/ dann daß ihr gleich trawet / vnd schreyet  
 nach Kercker/ Gefengnus/ Ruten/ Schwerdt/ Galgen/  
 Feuer vnnnd anderer schrocklichen Marter / damit ihr sie  
 ängstet vnd schrocket / ärger / dann es kein Stockmeister  
 machen köndt? Vnnnd wann es alles nicht helfen will/  
 stellt ihr zu letzt die Scherganten/ vnd Henckersbuben an  
 ewer Statt / die ewre Stockmeisterische *Argumenta* vol-  
 lendt müssen außführen / die Arme Leut auff ewer Ange-  
 ben vnd Trieb/ stocken/ blocken/ marteren vnnnd plagen  
 auffs eufferst.

Paulus Odonti-  
 us in seiner Hi-  
 storia fol. 20.

Höre du Bretzer/ vnd du Vetter auch / was ewers  
 Kottgesellens Scheres *Argumenta* gewesen seyen / wider  
*Paulum Odontium* in seiner Gefengnus zu Grätz: Da  
 ich/ schreibt *Odontius*, ihme Scherer nicht beichten wolt/  
 sieng er an in beysein des Statrichters zu Grätz/ ich solt  
 „ vnd müßt ihm beichten/ es geschehe mit lieb oder mit leid/  
 „ vnnnd wo ich solches in gütte nicht thun würde/ so wolt er  
 mich

mich durch den Scharpffrichter wol zur Beicht bringen  
 lassen. Er wolt mir mit Daumenstrecken/Reckleit-  
 teren/ oder dergleichen Instrumenten also das Maul  
 döhnenn vnd auffspannen lassen/ daß ich ihme wol beich-  
 ten vnd bekennen würde. Was ist das Gresser? Gebt  
 ihr nicht selbst da mit der That zuerkennen/ weß Geists  
 Kinder/ vnd weß Meisters Knecht jr seht? Könnte man  
 euch da nicht viel besser den Scherganten/ Hundeschla-  
 gern vnd Henckern vergleichen/ dann daß du mich vnd  
 meine Colleggen, vnser vocation halben/ denselben mit vn-  
 grund vergleichest? Vnd darzu sollen wir schweigen?  
 Euch solls recht sein. Wann aber wir euch widerumb/  
 von Henckerischen Stockmeisterischen Sachen sagen/  
 so ist's Malefiz Sach/ vnnnd solls die Obrigkeit straffen.  
 Ja an euch müßt man es anfangen/ vnd es schon längst  
 angefangen haben/ die es tausentmal ärger machen/ vnd  
 vns mit Ewren Schmachschriffen/ darzu nöthiget.

Woher hat aber mein lieber Gresser der Jesuit/  
 samit seinen zweyen Knechten zu Grätz/ seine Reckleiter/  
 Henckerische Kleider/ vnd Richtschwerdt genossen/ da-  
 rin vnd darmit er in der Steürischen Inquisition zu Paulo  
 Odontio in seiner Gefengnus kommen vnd auffzogen ist/  
 wie Odontius schreibt/ mit solcher schon angehengten  
 Reckleiter/ die er stetigs vor Augen hat sehen müssen/  
 vnd seinen Henckerischen Syllogismis ( weil die andere  
 nicht helfen wolten ) zu überweisen/ vnd zur Revocation  
 zubringen? Sagan/ hat er es von ihme selbst gehabt/  
 oder vom Hencker entlehnet? Welches du wilt: Wir ist  
 eins gleich so viel als das ander/ leügnest du es/ es sey kein  
 Jesuiter gewesen/ so ist vns doch Paulus Odontius gewisser/  
 was er dapon daselbst schreibet/ daß alles was du kanst  
 darwider auffbringen.

NB  
 P. Scherer will  
 Odontiu durch  
 den Scharpffrichter  
 strecken vnd lehre  
 beichten.

Idem Odontius  
 fol. 17.



Ja gesetzt / ich heß es vom Cambilhon allein / was ich geschrieben / vnd köndte andere Gestalt nicht erweisen / was wer es dann? Were dann Cambilhon dir nicht gut genug zur Wahrheit? Wer bistu dann / vnd wer ist Cambilhon? Du bist ein Jesulter / Cambilhon auch. Cambilhon sagt Ja / du Nein. Leügt Cambilhon auff euch? Du leügst auff vns / wiedroben erwießen: Ist ewer beyder einer so gut als der ander / vnd gile Cambilhons Ja soviel als dein Nein / vnd soviel mehr / weil er sich erbeit solches alles wider euch aufzuführen / vnnd zuverthedigen.

Mit Cluffeo vnd Martino, von denen Cambilhon schreibt / sie seyen längst hin- vnd vmbkommen / halt ich selbs nicht / daß ichs erweisen könne / begers auch nicht zu thun / ich will dir geren hieñ glauben geben / als der vil leicht weißt / wie es ihnen gangen / vnd wohin sie kömen seindt / weil du se so troßig vnd fleiß darauff bochest vnd trohest.

Daß du mich aber sambe meinen Collegis vnd Mitsbrüdern / so oft ladest vnd *provociere*st, ich soll zu dir gen Ingolstatt kommen in dein oder das hiesige Collegium, vnnd erbeüß dich viel schönes Dings / wie du mich im Collegio herumb faren / vnd mir alle Dize! vnd Wündel zeigen wöllest / ob sich dergleichen *Carnificine* finden werden. Thue ich mich der angebotnen Ehr / freundlich bedancken / es ist aber jetzt mein Gelegenheit nicht zu dir zu kommen / vnd mich so tieff in ewere Collegia hinein zuwagen / weil ich höre / wie es anderen soll darinnen ergangen sein / *terrent me vestigia*, vnd hab ich nicht Lust darcin / will dir es ehe zu gefallen glauben.

Es folgt aber darumb nicht / wann in den zweyen Collegis zu Ingolstatt vnd Augspurg der gleichen nichts zußine

zufinden / daß darumb auch in andern / vnd also keinem /  
 niches zufinden. *Ab insufficiente enumeratione partium  
 non procedit argumentum.* So hab ich nicht von allen /  
 wie auch nicht von diesen zweyen allein / sondern *indefini-  
 te* geredt / von etlichen. Kan demnach wol sein / daß in  
 ernannten zweyen nichts der gleichen / in andern aber zu-  
 finden ist. Vnd ist eben ein Ding / als wann einer sagte /  
 es weren noch etliche / auffrichtige / warhaffte Jesulter  
 in ihren *Collegiis*, vnd er weist mich zur Prob / zum Grets-  
 ser vnd Vetter gen Ingolstatt / so findt ichs wol an jnen  
 nicht: Es folgt aber darumb nicht / daß kein auffrichtiger  
 mehr anderstwo zufinden sey / Gretszer vnd Vetter köns-  
 nen wol Lugner sein / vnd doch noch etliche / wie wenig  
 ihrer auch seindt / warhaffte / auffrechte Leut vnter jhnen  
 gefunden werden / die *fallaciam* verstehet Gretszer vnd  
 Vetter wol.

Das ist mein Antwort / auff dein wider mich in-  
 sonderheit angehenkten *Appendicem*. Kannst du das  
 Teütsch nicht verstehen / so laß michs wissen / will dir es  
 Lateinisch auch machen / damit du sehest / ob ich auch La-  
 tein könne / weil du mich am End darmit stichst.

Gott aber / O mein lieber Gretszer vnd Vetter /  
 der Darmhertzig vnd Gnädig / Gedultig vnd von grosser  
 Güte vnd Treue ist / der erbarme sich vber euch zwei Ar-  
 me Creaturen / vnd geb euch ewer verstockt vnd rasend  
 Hertz / vnd allen den giftigen Hohn vnd Lasterung zu-  
 erkennen / welchen ihr nun etlich viel Jahr hero dem  
 Zeig Israel gesprochen / vnd auß ewrem giftigen ver-  
 bitterten Herzen / in viel schandelichen Schmachschrif-  
 ten heüßig außgeschüttet habt / welche auch am Jüng-  
 sten Tag wider euch stehen / vnd von ewrem mit Gift vnd  
 Hohn durch triebnen Herzen / zeügen werden. *Gott*  
 verzeichs

verzeichs euch / vnnd geb Gnad (wo ihr anderst noch zu  
 bekehren vnnd für euch zubitten ist) daß ihr Buß thut /  
 vnd von solchem Hohnsprechen ablasset / ehe dann der  
 grosse vnnd schreckliche Tag des H E R R komet /  
 oder sich ewer Stündlein herzu nahe / welches beydes ge-  
 wiß nicht weit mehr von bannen sein kan : Damit ihr  
 nicht in solchem Grimm vnd Wüten ergriffen werdet /  
 vnd in ewren Sünden sterbet / sondern daß ihr von gan-  
 zem Herzen zu G O T t bekehret / vnnd dermal eines / mit  
 vns ewig seelig werdet. Das wünschen wir euch  
 von Herzen / durch I E S u m C h r i s t u m vnsern  
 einigen Erlöser vnnd Seligmacher /  
 Amen / H E R R I E S u /  
 A M E N.





VOLUME 1

